

摛藻堂四庫全書薈要

集部

欽定四庫全書薈要卷一萬七千四百九十九

御定全唐詩卷九十四

富嘉謨

富嘉謨雍州武功人舉進士長安中累官晉陽尉預修  
三教珠英中興初歷左臺御史與吳少微友善屬詞竝  
以經典為本文體一變號為富吳體張說稱其文如孤  
峰絕岸壁立萬仞濃雲鬱興震雷俱發誠可畏也若施  
於廊廟則駭矣集十卷今存詩一首

明冰篇

北陸蒼茫河海凝南山闢千晝夜冰素彩峨峨明月升  
深山窮谷不自見安知採斂備嘉薦陰房涸沴掩寒扇  
陽春二月朝始暎春光潭池度千門明冰時出御至尊  
彤庭赫赫九儀備腰玉煌煌千官事明冰畢賦周在位  
憶昨沙漠一作朔寒風漲崑崙長河冰始壯漫汗嶠增積  
亭障嚙嚙鳴雁江上來禁苑池臺冰復開搖青涵綠映  
樓臺幽歌七月王風始鑿冰藏用昭物軌四時不忒千

萬祀一作  
禩

吳少微

吳少微新安人舉進士累至晉陽尉與富嘉謨同官中興初以韋嗣立薦拜右臺御史嘗為并州長史張仁宣撰進九鼎銘表集十卷今存詩六首

長門怨

月出映層城孤圓上太清君王眷愛歇枕席涼風生怨咽不能寢踟躕步前楹空堦白露色百草寒蟲鳴念昔

金房裏猶嫌玉座輕如何嬌所悞長夜泣恩情

和崔侍御日用遊開化寺閣

左憲多才雄故人尤鷺鷀護贈單于使休軺太原郭館  
次厭煩歇清懷尋寂寞西緣十里餘北上開化閣初入  
雲樹間冥蒙未昭廓漸出欄櫈外萬里秋景焯一作歲

晏風落山天寒水歸壑覽物頌幽景三乘動玄鑰但敷

利一作相解言永用忘昏著

哭富嘉謨

并序

維三月癸丑河南富嘉謨卒予時寢疾於洛陽北  
里聞之投枕而起淚沾乎衽席匍匐於寢門之外  
病不能哭仰天而呼曰天乎天乎俾予曷所朋曷  
有律曷可得而見抑斯文也以存乎哀太常少卿  
徐公鄜州刺史尹公中書徐元二舍人兵部張郎  
中未嘗值我不歎于朝夫情悼之賦詩以寵亡也  
其詞曰

吾友適不死於戲社稷臣直祿非造利長懷大庇人乃

通承明籍遘一作遇此敦牂春藥厲其可畏皇穹故匪仁

疇昔與夫子孰云異天倫同病一相失茫茫不重陳子

之文章在其殆尼父新鼓興幹河岳貞詞毒鬼神可悲

不可朽車輶沒荒榛聖主賢為寶吁茲大國貧

紀事云少微與

嘉謨齊名並為御史卧疾聞其亡號哭賦詩其詞莫不歎美既而病亟歎曰生死人之大分何恨焉然官職十

分未作其一乃至是耶慷慨而終

### 過漢故城

大漢昔未定強秦猶擅場中原逐鹿罷高祖鬱龍驤經

始謀帝座茲焉壯未央規模窺棟宇表裏浚城隍羣后  
崇長樂中朝增建章句陳被蘭錡樂府奏芝房翡翠明  
珠帳鴛鴦白玉堂清晨寶鼎食閒夜鬱金香天馬來東  
道佳人傾北方何其赫隆盛自謂寶靈長歷數有時盡  
哀平嗟不昌冰堅成巨猾火德遂頽綱奧位匪虛校貪  
天竟速亡魂神吁社稷豹虎鬪巖廊金狄移灞岸銅盤  
向洛陽君王無處所年代幾荒涼宮闕誰家域蓁蕪胥  
我裳井田唯有草海水變為桑昔在高門內於今岐路

傍餘基不可識古墓列成行狐兔驚魍魎鳥嚇猶狂  
空城寒日晚平野暮雲黃烈烈樊青棘蕭蕭吹白楊千  
秋並萬歲空使詠歌傷

古意

洛陽芳樹向春開洛陽女兒平旦來流車走馬紛相催  
折芳瑤華向曲臺曲臺自有千萬行重花累葉間一作映  
垂楊北林朝日鏡一作錦明光南國微風蘇合香可憐窈  
窕女不作邯鄲娼妙舞輕迴拂長袖高歌浩唱發清商

歌終舞罷歡無極樂往悲來長歎息陽春白日不少留

紅榮

一作花

碧樹無顏色碧樹風花先春度珠簾粉澤無

人顧如何年少忽遲暮坐見明月與白露明月白露夜

已寒香衣錦帶空珊瑚今日陽春一妙曲鳳皇樓上與

君彈

怨歌行

城南有怨婦含情傍芳叢自謂二八時歌舞入漢宮皇恩數流盼承幸玉堂中綠栢黃花催夜酒錦衣羅袂逐

春風建章西宮煥若神燕趙美女三千人君王厭德不忘新况羣豔冶紛來陳是時別君不再見三十三春長信殿長信重門晝掩關清房曉帳幽且間綺窗蟲網氛塵色文軒鶯對一作樹桃李顏天王貴宮不貯老浩然含淚一作淚隕今來還自憐春色轉晚暮試逐佳遊芳草路小腰麗女奪人奇金鞍少年曾不顧有逸句歸來誰為夫請謝西家婦莫辭先醉解羅襦

員半千

員半千晉州臨汾人本名餘慶其師王義方器之曰五百歲一賢者生子宜當之因改名半千應八科師舉授武陟尉歲旱發粟賑饑為薛元超所稱垂拱中補左衛胄曹充吐蕃宣慰使則天曰久聞卿名謂是古人不意乃在朝列即使入閣供奉證聖中為宏文館學士仍分日待制五遷正諫大夫預修三教珠英中宗時為濠州刺史睿宗徵拜太子右諭德兼崇文館學士性樂山水開元中卜居堯山年九十四卒集十卷今存詩三百首

隴頭水

路出金河道山連玉塞門旌旗雲裏度楊柳曲中喧喋  
血多壯膽裹革無怯魂嚴霜斂曙色大明辭朝霰塵銷  
營卒壘沙靜都尉垣霧卷白山出風吹黃葉翻將軍獻  
凱入萬里絕河源

隴右途中遭非語

趙有兩毛遂魯聞二曾參慈母猶且惑况在行路心冠  
冕無醜士賄賂成知己名利我所無清濁誰見理敝服

空逢春緩帶不著身出遊非懷璧何憂乎忌人正須自  
保愛振衣出世塵

儀坤廟樂章

孝享云畢維徹有章雲感元羽風悽素商瞻望神座祇  
戀匪遑禮終樂闋肅雍鏘鏘

王適

王適幽州人則天時勅吏部糊名考選人判以求才俊  
適與劉憲司馬鍾梁載言相次入第二等官至雍州司

功參軍詩五首

銅雀妓

日暮銅雀迴秋深玉座清蕭森松柏望委鬱綺羅情君恩不再得妾舞為誰輕

蜀中言懷

獨坐年將暮常懷志不通有時須問影無事却書空棄置如天外平生似夢中蓬心猶是客華髮欲成翁跡滯魂逾窘情乘路轉窮別離同夜月愁思隔秋風老少悲

顏駟叟

一作盈

虛悟翟公時來不可問何用求童蒙

古別離

昔歲驚楊柳高樓悲獨守今年芳樹枝孤棲怨別離珠簾畫不捲羅幔曉長垂苦調琴先覺愁容鏡獨知頻年雁度無消息罷却一作去鴛文何用織夜還羅帳空有情春著帛腰自無力青軒桃李落紛紛紫庭蘭蕙日一作香氣氤氳已能顚願今如此更復含情一待君

江上有懷

湛湛江水見底清荷花蓮子傍江生採蓮將欲寄同心  
秋風落花空復情櫂歌數曲如有待正見明月度東海  
海上雲盡月蒼蒼萬里分輝滿洛陽洛陽閨閣夜何央  
蛾眉嬋娟斷人腸寂寥金屏空自掩青熒銀燭不生光  
應憐水宿洞庭子今夕迢遙天一方

江濱梅

忽見寒梅樹開花漢水濱不知春色早疑是弄珠人

問丘均

閭丘均益州成都人以文章著稱景龍中為安樂公主  
所薦拜太常博士主敗坐貶循州司倉集十卷今存詩  
一首

臨水亭

高館基曾山微幕生花草傍對野村樹下臨車馬道清  
朗悟心術幽遐備瞻討迴合峰隱雲聯綿渚繁島氣似  
滄洲勝風為青春好相及盛年時無令歎衰老

齊幹

齊澣字洗心定州義豐人聖厯中制科登第調蒲州司法參軍歷監察御史開元中遷中書舍人論駁書詔皆準古義宋璟蘇頌並重之與修四庫羣書杜暹表宋璟為吏部尚書澣及蘇晉為侍郎時稱高選後為江南採訪使以爪步多風濤乃移漕路於京口又立伊婁埭迄今利濟終平陽太守詩二首

長門怨

煢煢孤思逼寂寂長門夜妾妬亦知非君恩那不借攜

琴就玉階調悲聲未諧將心託一作寄明月流影入君懷

長門怨一作劉

阜詩

宮殿沈沈月欲分昭陽更漏不堪聞珊瑚枕上千行淚

不是思君是恨君一作半是思君半恨

祝欽明

祝欽明字文思京兆始平人舉明經長安元年累遷太子率更令兼崇文館學士中宗在春宮欽明充侍讀及即位擢拜國子祭酒同中書門下三品歷刑部禮部二

尚書嘗與羣臣侍宴欽明自言能八風舞據地搖頭睨目顧盼吏部侍郎盧藏用歎曰祝公是舉五經掃地矣景雲初為侍御史倪若水所劾貶饒州刺史詩一首

儀坤廟樂章

閔宮實實清廟微微降格無象馨香有依式昭纂慶方融嗣徽明禋是享神保聿歸

劉知幾

劉知幾後名子元以詞學知名弱冠舉進士授獲嘉主

簿證聖中詔九品已上各言時政知幾上陳四事詞甚  
切直累遷左史擢鳳閣舍人景龍初轉太子中允仍修  
國史時監修者多知幾奏記蕭至忠言五不可以為汗  
青無日頭白可期又著史通二十卷備論史策之體徐  
堅重其書謂居史職者宜置座右景雲中遷太子左庶  
子兼崇文館學士開元初為左散騎常侍在史職二十  
年嘗對鄭惟忠曰史才須有三長才也學也識也時人  
以為知言詩一首

儀坤廟樂章

妙算申帷幄神謀出廟廷兩階文物備七德武功成校  
獵長楊苑屯軍細柳營將軍獻凱入歌舞溢重城

胡雄

胡雄開元時人詩一首

儀坤廟樂章

送文迎武遞參差一始一終光聖儀四海生人歌有慶

千齡孝享肅無虧

張齊賢

張齊賢聖歷初為太常奉禮郎累遷諫議大夫詩一首

儀坤廟樂章

裸圭既濯鬱鬯既陳畫幕雲舉黃流玉醇儀充獻酌禮  
盛衆禋地察惟孝愉焉饗親

鄭善玉

鄭善玉開元時人詩一首

儀坤廟樂章

酌鬱既灌取蕭方  
爇籩豆靜器簠簋芬  
餚魚腊薦美牲  
牷表絜是戢是將  
載迎載列

丘悅

丘悅開元時人詩一首

儀坤廟樂章

孝哉我后沖乎迺聖道映重華德輝文命慕深視篋情  
殷撫鏡萬國移命兆人承慶

御定全唐詩卷九十四

欽定四庫全書會要卷一萬七千五百

集部

御定全唐詩卷九十五

沈佺期

沈佺期字雲卿相州內黃人善屬文尤長七言之作擢進士第長安中累遷通事舍人預修三教珠英轉考功郎給事中坐交張易之流驩州稍遷台州錄事參軍神龍中召見拜起居郎修文館直學士歷中書舍人太子少詹事開元初卒建安後訖江左詩律屢變至沈約庾

信以音韻相婉附屬對精密及佺期與宋之間尤加靡麗回忌聲病約句準篇如錦繡成文學者宗之號為沈宋語曰蘇李居前沈宋比肩集十卷今編詩三卷

芳樹

一作宋  
之間

何地早芳菲宛在長門殿夭桃色若綬穠李光如練啼鳥弄花疎遊蜂飲香遍歎息春風起飄零君不見

長安道

一作宋  
之間詩

秦地平如掌層城入一作雲漢樓閣九衢春車馬千門

旦綠槐開復合紅塵聚還

一作迴

散日晚鬪雞還經過狹

斜看

有所思

一作宋  
之間詩

君子事行役再空芳歲期美人曠延佇萬里浮雲思園  
槿綻紅豔郊桑柔綠滋坐看長夏晚秋月照

一作羅帷生

臨高臺

高臺臨廣陌車馬紛相續回首思舊鄉雲山亂心曲遠  
望河流緩周看原野綠向夕林鳥還憂來飛景促

鳳笙曲

憶昔王子晉鳳笙遊雲空揮手弄白日安能戀青宮豈無嬋娟子結念羅幃中憐壽不貴色身世兩無窮

擬古別離

白水東悠悠中有西行舟舟行有返櫂水去無還流奈何生別者戚戚懷遠遊遠遊誰當惜所悲會難收自君

聞一作芳蹠一作屣

青陽四五道皓月掩蘭室光風虛蕙

樓相思無明晦長歎累冬

一作春

秋離居久遲暮高駕何

淹留

辛丑歲十月上幸長安時扈從出西嶽作

西鎮何穹崇壯哉信靈造諸嶺皆峻秀中峰特美好傍

見巨掌存勢如石東倒頗聞首陽去開坼此河道磅礴

壓洪源巍巍壯一作載清昊雲泉紛亂瀑天磴屹橫抱子

先呼其巔宮女世不老下有府君廟歷載傳灑掃皇一

星明應天游十月戒豐鎬微末忝間從無得事蘋藻宿

心愛茲山意欲拾靈草陰壑已永閟雲竇絕探討芳月

期來過迴策思方浩

和杜麟臺元志春情

嘉樹滿中園氣氤羅秀色不見仙山雲倚琴一作瑟空太

瑟

空太

息沈思若在夢緘怨似無憶青春坐南移白日忽西匿

蛾眉返清鏡閨中不相識

別侍御嚴凝

七澤雲夢林三湘洞庭水自古傳剽俗有時逋惡子令  
君出使車行邁方靡靡靜言芟枳棘慎勿傷蘭芷

送喬隨州侶

結交三十載同遊一萬里情為契潤生心由別離死拜  
恩前後人從宦差池起今爾歸漢東明珠報知己

送友人任括州

青春浩無際白日乃遲遲胡為賞心客歎邁一作遇此芳

時甌粵迫茲守京闕從此辭茫茫理雲帆草草念行期  
紛吾結遠佩帳餞出河濱太息東流水盈觴難再持

餞遠

任子徇遐祿結友開舊襟撰酌輶行歎指途勤遠心秋  
晶澄回壑霽色肅明林曖然清軒幕浩思非所任

同工部李侍郎適訪司馬一本此下有先生二字子微

紫微降天仙丹地投一作授雲藻上言華頂事中問長生

道華頂居寂高大壑朝陽早長生術何妙童顏後天老

清晨朝鳳京靜夜思鴻寶憑崖飲蕙氣過澗摘靈草人

非家已荒海變田應燥昔嘗遊此郡三霜弄溟島緒言

霞上開機事塵外掃頃來迫世務清曠未云保崎嶇待

漏恩休惕司言造軒皇重齋拜漢武愛祈禱順風懷崆  
峒承露在豐鎬泠然委輕馭復得散快一作幽抱柱下留  
伯陽儲闈登四皓聞有參同契何時一探討

自昌樂郡泝流至白石嶺下行入郴州

茲山界夷夏天險橫寥廓太史漏登探文命限開鑿北  
流自南瀉羣峰回衆壑馳波如電騰激石似雷落崖留  
盤古樹澗蓄神農藥乳竇何淋漓苔一作蘚更彩錯娟

娟潭裏虹渺渺灘邊鶴歲杪應流火天高雲物一作霧薄

金風吹綠梢玉露洗紅籜泝舟始興解登踐桂陽郭匍

匐緣修坂穹窿曳長祚一作索礙林阻往來遇堰每前却

救艱不遑飯畢昏無暇泊濯溪寧足懼磴道誰云惡我

行山水間湍險皆不若一作我行湍險多山水皆不若安能獨見聞書

此貽京洛

過蜀龍門

龍門非禹鑿詭怪乃天功西南出巴峽不與衆山同長

寶一作短亘五里宛轉復嵌空伏湍噴潛石瀑水生輪風

流水無晝夜噴薄龍門中潭河勢不測藻葩垂彩虹我  
行當季月煙景共春融江關勤亦甚嶩崿意難窮勢將  
息機事煉藥此山東

入衛作

淇上風日好紛紛沿岸多綠芳幸未歇泛濫此明波采  
繁憶幽一作幽吹理棹想荆歌鬱然懷君子浩曠將如何

夜泊越州逢北使

天地降雷雨放逐還國都重以風潮事年月戒回艤容

顏荒外老心想域中愚想泊在茲夜炎雲逐斗樞  
鼈蒙海若霹靂耿天吳鼈杵羣島失鯨吞衆流  
輸偶逢金華使握手淚相濡飢共噬齊棗眠共席  
秦蒲既北思攸濟將南睿所圖往來固无咎何忽憚前桴

紹隆寺並序

紹隆寺江嶺取奇去驩州城二十五里將北客畢  
日遊憩隨例施香回於舟中作

吾從釋迦久無上師涅槃探道三十載得道天南端非

勝適殊方起誼歸理難放棄乃良緣世慮不曾干香界

紫北渚花龕隱南巒危昂階下石演漾窓中瀾雲蓋看

木秀天空見藤盤處俗勒

一作勤

宴坐居貧業行壇試將

有漏軀聊作無生觀了然究諸品彌覺靜者安

神龍初廢逐南荒途出郴口北望蘇耽山

少曾讀仙史知有蘇耽君流望來南國依然會

一作曾

聞泊舟問耆老遙指孤山雲孤山郴郡北不與衆山羣

重崖下紫映嶺峽上紅紛碧峰泉附落紅壁樹傍分選

地今方爾昇天因

一作固

可云不才予竄迹羽化子遺芬

將覽成麟鳳旋驚禦鬼文此中迷出處舍思獨氛氲

初達驩州

流子一十八命予偏不偶配遠天遂窮到遲日寂後水  
行儉耳國陸行雕題藪魂魄遊鬼門骸骨遺鯨口夜則  
忍飢卧朝則抱病走搔首向南荒拭淚看北斗何年赦

書來重飲洛陽酒

被彈

知人昔不易舉非貴易失爾何按國章無罪見呵叱平  
生守直道遂為衆所嫉少以文作吏手不曾開律一旦  
法相持荒忙意如漆幼子雙困老夫一念一作室昆  
弟兩三人相次俱囚桎萬鑠當衆怒千謗無片實庶以  
白黑讒顯此涇渭質劾吏何咆哮晨夜聞撲抉事間拾  
虛證理外存枉筆懷痛不見伸抱冤竟難悉窮囚多垢  
膩愁坐饒蟻虱三日唯一飯兩旬不再櫛是時盛夏中  
暎赫多療疾瞪目眠欲閉喑嗚氣不出有風自扶搖鼓

蕩無倫匹安得吹浮雲令我見白日

枉繫二首

吾憐曾家子昔有投杼疑吾憐姬公旦非無鴟鴞詩臣  
子竭忠孝君親惑讒欺萋斐離骨肉含愁一作悅此辭

昔日公冶長非罪遇縲絏聖人降其子古來歎獨絕我  
無毫髮瑕苦心懷冰雪今代一作世多秀士一作才誰能繼

明轍

黃鶴

黃鶴佐丹鳳不能羣白鶲拂雲遊四海弄影到三山遙

憶君軒上來下天池

一作地

間明珠世不重知有報恩環

傷王學士

並序

王君赦者少小遊洛陽吾與君隴西李子至為友  
家貧倦道歲常晏如屬文豪翰吟諷所得時會絕  
境長安初以器行制在蕃邸侍諸人遊四年余遭  
浮議下獄他日余至來知君物化嗚呼穎叔享年  
不遐昔同為人今先鬼錄恨吾非所闢爾喪葬退

而賦詩以哀命

閉囚斷外事昧坐半餘幕有言穎叔子亡來已一時初  
聞宛不信中詰涕漣沥痛哉元夜重何遽青春姿憶汝  
曾旅食屢空瀍澗渭吾徒祿未厚宵斗愧相貽原憲貧  
無愁顏回樂自持詔書擇才善君為王子師寵儒名可  
尚論秩官猶欺化往不復見情來安可思目絕毫翰灑  
耳無歌諷期靈柩寄何處精魂今何之恨子在丹棘不  
得看素旗孀妻知已歎幼子路人悲感遊值商日絕弦

留此詞

古鏡

莓苔翳清池  
蝦蟆蝕明月  
埋落今如此  
照心未嘗歇  
願垂拂拭恩  
為君鑒元鬢

鳳簫曲

一作  
古意

八月涼風動高閣  
千金麗人捲綃幕  
已憐池上歇芳菲  
不念君恩坐搖落  
世上榮華如轉蓬  
朝隨阡陌暮雲中  
飛燕侍寢昭陽殿  
班姬飲恨長信宮  
長信宮昭陽殿春

來歌舞妾自知秋至簾櫳一作榮華君不見昔時嬴女厭世

紛學吹鳳簫乘彩雲含情轉睞向蕭史千載紅顏持贈

君

古歌

落葉流風向玉臺夜寒秋

一作寒  
鈺愁

思洞房開水晶簾外

金波下雲母窗前銀漢回玉階陰陰苔蘚色君王履綦

難再得璇闕窈窕秋夜長繡戶徘徊明月光燕姬綵帳

芙蓉色秦女一作金鑪蘭麝香北斗七星橫夜半清歌

一曲斷君腸

七夕曝衣篇

按王子陽園苑疏太液池邊有武帝閣帝至七月七日夜宮女出后

衣曝

之

君不見昔日宜春太液邊披香畫閣與天連燈火

一作華

灼爍九微

一作衛

映香氣氤氳百和然此夜星繁河正白

人傳織女牽牛客宮中擾擾曝衣樓天上娥娥紅粉席

曝衣何許

一作時夜

半黃宮中綵女提玉箱珠履奔騰上

蘭砌金梯

一作闕

宛轉出梅梁絳河裏碧煙上雙花伏兔

畫屏風四子盤龍擎斗帳舒羅散縠雲霧開綴玉垂珠

星漢回朝霞散彩羞衣架晚月分光劣鏡臺上有仙人

長命絡

一作錦

中看

一作有

玉女迎歡繡瓊瑣

一作簾

中別

作春珊瑚窗裏翻成畫椒房金屋寵新流意氣嬌奢不

自由漢文宜惜露臺費晉武須焚前殿裘

入少

一作密

溪

雲峯苔壁繞溪斜江路香風夾岸花樹密不言通鳥道  
雞鳴始覺有人家人家更在深巖口澗水周流宅前後

遊魚鼈鼈雙釣童伐木丁丁一樵叟自言避喧非避秦  
辟衣耕鑿帝堯人相留且待雞黍熟夕卧深山蘿月春

霹靂引

歲七月火伏而金生客有鼓琴於門者奏霹靂之商聲  
始憂羽以驕春終扣宮而砰駿電耀耀兮龍躍雷闡闡  
兮雨冥氣嗚唗以會雅態歛翕以橫生有如驅千旗制  
五兵截荒虺斬長鯨孰與廣陵比意別鶴儔精而已俾  
我雄子魄動毅夫髮立懷恩不淺武義雙輯視胡若芥

剪羯如拾豈徒慷慨中筵備羣娛之翕習哉一本有故此知也四

御定全唐詩卷九十五

欽定四庫全書薈要卷一萬七千五百二

集部

御定全唐詩卷九十六

沈佺期

立春日內出綠花應制

合殿春應早開箱綵預知花迎宸翰發葉待御筵披梅  
訝香全少桃鶯色頓移輕生承剪拂長伴萬年枝

晦日瀆水應制

素灌接宸居青門盛祓除摘蘭喧鳳野浮藻溢龍渠苑

蝶飛殊懶宮鶯嚬不疎星移天上入歌舞向儲胥

奉和洛陽翫雪應制

周王甲子旦漢后德陽宮灑瑞天庭裏驚春御苑中氣  
氤生浩氣颯沓舞回風宸藻光盈尺賡歌樂歲豐

三日梨園侍宴

一作梨園  
亭侍宴

九重馳道出三一作上 已禊堂開畫鷁中流動青龍上苑

來野花飄御座河柳拂天杯日晚迎祥處笙鏞下帝臺

幸梨園亭觀行毬應制

今春芳苑遊接武上瓊樓宛轉繁香騎飄飈拂畫毬俯  
身迎未落迴轡逐傍流祇為看花鳥時時誤失籌

九日臨渭亭侍宴應制得長字

御氣幸金方憑高薦羽觴魏文頒菊蕊漢武賜萸房

一作

秋變銅池色晴添銀樹光

一作去鶴留笙  
吹歸鴻識舞行

年年重九

慶日月奉天長

歲夜安樂公主滿月侍宴

除夜子星回天孫滿月杯詠歌麟趾合簫管鳳雛來歲

爐常然桂春盤預折梅聖皇千萬壽垂曉御樓開一作明臺

安樂公主移入新宅

初聞衡漢來移住斗城隈錦帳迎風轉瓊筵拂霧開馬  
香遺舊埒鳳吹繞新臺為問沈冥子仙槎何處回

仙萼亭初成侍宴應制

山中氣色和宸賞第中過輦路披仙掌帷宮拂帝蘿泉  
臨香澗落峰入翠雲多無異登元圃東南望白河

送金城公主適西蕃應制

金榜扶丹掖銀河屬紫闈那堪將鳳女還以嫁烏孫玉就歌中怨珠辭掌上恩西戎非我匹明主至公存

幸白鹿觀應制

紫鳳真人府班龍太上家天流芝蓋下山轉桂旗斜聖藻垂寒露仙杯落晚霞唯應問王母桃作幾時花

洛陽道

九門開洛邑雙闕對河橋白日青春道軒裳半下

一作夏

朝乘羊稚子看拾翠美人嬌行樂歸恒晚香塵撲地遙

驄馬

西北五花驄來時道向東四蹄碧玉片雙眼黃金瞳  
鞍上留明月嘶間動朔風借君馳沛艾一戰取雲中

銅雀臺

一作宋  
之間詩

昔年分鼎地今日望陵臺一旦雄圖盡千秋遺令開  
綺羅君不見歌舞妾空來恩共漳河水東流無重回

長門怨

月皎風泠泠長門次掖庭玉階聞墜葉羅幌見飛螢清

露凝珠綴流塵下翠屏妾心君未察愁歎劇繁星

巫山高二首

一作宋  
之間詩

巫山峯十二合沓隱

一作環  
合象

昭回俯眺

一作聽

琵琶峽平

看雲雨臺古槎天外倚

一作落

瀑水日邊來何忍猿啼夜

荆王枕席開

神女向高唐巫山下夕陽襄回作行雨婉孌逐荆王電  
影江前落雷聲峽外長霽雲無處所臺館曉蒼蒼

巫山高

巫山高不極合沓狀奇新暗谷疑風雨陰崖若鬼神月  
明三峽曙潮滿九江春為問陽臺客應知入夢人

此詩范撝

云佺期作顧  
陶云張循作

七夕

秋近雁行稀天高鶴夜飛妝成應懶織今夕渡河歸月  
皎宜穿線風輕得曝衣來時不可覺神驗有光輝

春閨

一本連後雜詩三首作雜詩四首

鐵馬三軍去金闕二月還邊愁離上國春夢失陽關池

水流琉璃淨園花玳瑁斑歲華空自擲憂思不勝顏

奉和聖製同皇太子遊慈恩寺應制

肅肅蓮花界熒熒貝葉宮金人來夢裏白馬出城中湧

塔初從地焚香欲遍空天歌應春

一作秋

籥非是為春風

和洛州康士曹庭芝望月有懷

一作康庭芝詩  
一作宋之間詩

天使下西樓光含萬象

一作里

秋臺前疑挂鏡簾

一作簾

外似懸鈎張尹將看學班姬取扇傳佳期應借問為報在

刀頭

壽陽王花燭一作宋  
之間詩

仙媛乘龍夕一作日天孫捧雁來可憐桃李樹更遠鳳凰臺燭送香車入花迎寶扇開莫令銀箭漏一作漏曉為盡合

歡杯

隴頭水

隴山飛落葉隴雁度寒天愁見三秋水分為兩地泉西流入羌郡一部東下向秦川征客重回首肝腸空自憐

關山月

漢月生遼海  
瞳曨出半暉  
合昏元莧郡  
中夜白登圍  
暈落關山迴  
光含霜霰微  
將軍聽曉角  
戰馬欲南歸

折楊柳

一作宋  
之間詩

玉窗朝日映羅帳  
春風吹拭淚攀楊柳  
長條跪  
又一作宛  
匝地垂白花  
飛歷亂黃鳥思  
度參差妾自肝腸斷  
傍人那得知

梅花落

一作宋  
之間詩

鐵騎幾時回  
金闕怨早梅  
雪寒中  
花已落  
風暖葉應

開夕逐新春管香迎小歲杯盛一作感時何足貴書裏報

輪臺

紫駒馬

青玉紫駒鞍驕多影屢盤荷君能剪拂躞蹀噴桑乾  
跕足追奔易長鳴遇賞難縱金一萬里霜露不辭寒

上之回

制書下關右天子問回中壇壝經過遠威儀侍從雄黃  
麾搖晝日青幡曳松風迴望甘泉道龍山隱漢宮

王昭君一作宋  
之問詩

非君惜鸞殿  
非妾妬娥眉  
薄命由驕虜  
無情是畫師  
嫁來胡地日  
不並漢宮時  
心苦無聊賴  
何堪馬上辭

被試出塞

十年通大漠  
萬里出長平  
寒日生戈劒  
陰雲拂旆旌  
飢烏啼舊壘  
疲馬戀空城  
辛苦臯蘭北  
胡霜損漢兵

牛女一作宋  
之問詩

粉席秋期緩  
針樓別怨多  
奔龍爭度日  
飛鵠亂填河  
失

喜先臨鏡含羞未解羅誰能留夜色來夕倍還梭

雜詩三首

一本連前春閨作雜詩四首

落葉驚秋婦高砧促暝機蜘蛛尋月度螢火傍人飛清  
鏡紅埃入孤燈綠焰微怨啼能至曉獨自懶縫衣

妾家臨渭北春夢著遼西何苦朝鮮郡年年事鼓鼙燕  
來紅壁語鶯向綠窗啼為許長相憶闌干玉筋齊

聞道黃龍成一作花塞頻年不解兵可憐閨裏月長在漢家

營少婦今春意良人昨夜情誰能將旗鼓一為取龍城

剪絲

宮女憐芳樹裁花競早榮寒依刀尺盡春向綺羅生弱  
帶盤絲發香蕤結素成纖枝幸不棄長就玉階傾

和中書侍郎楊再思春夜宿直

西禁青春滿南端皓月微千廬宵駕合五夜曉鐘稀星  
斗橫綸閣天河度瑣闈煙光章奏裏紛向夕郎飛

和常州崔使君寒食夜

聞道清明近春闌向夕闌行遊畫不厭風動夜宜看斗

柄更初轉梅香暗裏殘無勞秉華燭晴月在南端

和崔正諫登秋日早朝

雞鳴朝謁滿露白禁門秋爽氣臨旌戟朝光映冕旒河  
宗來獻寶天子命焚裘獨負池一作津陽議言從建禮遊

答甯處州書

一作答甯處州報赦

書報天中赦人從海上聞九泉開白日六翮起一作奮青

雲質幸一作命偶恩先貸情孤枉未分自憐涇渭別誰與奏

明君

李舍人山園送龐邵

符傳有光輝  
誼誼出帝畿  
東隣借山水  
南陌駐駿駢  
握手涼風至  
當歌秋日微  
高巒去勿緩  
人吏待霜威

送陸侍御餘慶北使

古人貴將命  
之子出輶軒  
受委當不辱  
隨時敢贈言  
朔途際遼海  
春思繞轔轔  
安得回白日  
留歡盡綠樽

洛州蕭司兵謁兄還赴洛成禮

棠棣日光輝  
高襟應序歸  
來成鴻雁聚  
去作鳳凰飛  
細

草承輕傳驚花慘別衣灞亭春有酒歧路惜芳菲

錢高唐州詢

弱冠相知早中年不見多生涯在王事客

一作鬚各蹉  
容

跎良守初分岳嘉聲即潤河還從漢闕下傾耳聽中和

錢唐郎中洛陽令

一臺推往妙三史佇來修應宰鳬還集辭郎雉少留郊  
筵乘落景亭傳理殘秋願以弦歌暇芝蘭想舊遊

樂城白鶴寺

碧海開龍藏青雲起雁堂

一作應

法鼓雨氣濕天

香樹接前山暗溪乘瀑水涼無言謫居遠清淨得空王

遊少林寺

長歌遊寶地徙倚對珠林雁塔風霜

一作丹青

古龍池歲月

深紺園澄夕霽碧殿下秋陰歸路煙霞晚山蟬處處吟

嶽館

洞壑仙人館孤峰玉女臺空濛朝氣合窈窕夕陽開流  
潤含輕雨虛巖應薄雷正逢鸞與鶴歌舞出天來

早發平昌一作島

昌平島

解纜春風後鳴榔曉漲前陽烏出海樹雲雁下江煙積  
氣衝長島浮光溢大川不能懷魏闕心賞獨冷然

夜宿七盤嶺

獨遊千里外高卧七盤西曉山一作月臨窗一作牀近天河

入戶低芳春平仲綠清夜子規啼浮客空留聽褒城聞

曙雞

十三四一本十四時嘗從巫峽過他日偶然有思

小度巫山峽  
荆南春欲分  
使君灘上草  
神女館前雲樹  
悉江中見猿多  
天外聞別來如夢裏  
一想一氛氲

初達驩州

自昔聞銅柱  
行來向一年  
不知林邑地  
猶隔道明天雨  
露何時及京華  
若個邊思君  
無限淚堪作日  
南泉

嶺表逢寒食

驩州風土  
不作寒食

嶺外無一本作  
逢誤 寒食春來不見餫洛陽一作  
中 新甲子何  
日是清明花柳爭朝發軒車滿路迎帝鄉遙可念腸斷

報親情

驩州南亭夜望

昨夜南亭望分明夢洛中室家誰道別兒女案嘗同忽  
覺猶言是沈思始悟空肝腸餘幾寸拭淚坐春風

少遊荆湘因有是題

峴北楚蛟浦巴東射雉田歲時宜楚俗耆舊在襄川憶  
昨經過處離今二十年因君訪生死相識幾人全

咸陽覽古

咸陽秦帝居千載坐盈虛版築林光盡壇場雷聰疎野  
橋疑望日山火類焚書唯有驪峰在空聞厚葬餘

覽鏡

霏霏日搖蕙騷騷風灑蓮時芳固相奪俗態豈恒堅恍  
忽夜川裏蹉跎朝鏡前紅顏與壯志太息此流年

題椰子樹

日南椰子樹香裏出風塵叢生調一作雕木首圓實檳一作

白榔身玉房九宵露碧葉四時春不及塗林果移根隨

漢臣

同獄者歎獄中無燕

何許乘春燕多知辨夏臺三時欲併盡雙影未嘗來食  
蕊嫌叢棘銜泥怯死灰不如黃雀語能雪冶長猜

則天門赦改年

聖人宥天下幽鑰動圜狴六甲迎黃氣三元降紫泥籠  
僅上西鼓振迅廣陽雞歌舞將金帛汪洋被遠黎

喜赦

去歲投荒客今春肆眚歸律通幽谷暖盆舉太陽輝喜氣迎寃氣青衣報白衣還將合浦葉俱向洛城飛

秦州薛都督挽詞

十里絳山幽千年汾水流碑傳門客建劖是故人留隴樹烟舍夕山門月對秋古來鐘鼎盛共盡一蒿丘

天官崔侍郎夫人盧氏挽歌

偕老言何謬香魂事永違潘魚從此隔陳鳳宛然飛埋鏡泉中暗藏燈地下微猶憑少君術彷彿覩容輝

章懷太子靖妃挽詞

形史佳聲載青宮  
懿範留形將鸞鏡  
隱魂伴鳳笙遊送  
馬嘶殘日新螢落  
晚秋不知萬里曙  
空見隴雲愁

奉和立春遊苑迎春

東郊暫轉迎春仗  
上苑初飛行慶杯  
風射蛟初學記作狐冰  
千片斷氣衝魚鑰  
九闕開林中覓草  
纔生蕙殿裏爭花  
併是梅歌吹銜恩  
歸路晚棲鳥半下  
鳳城來

人日重宴大明宮賜綵縷人勝應制

拂旦雞鳴仙衛陳憑高龍首帝城

一作庭

春千官黼帳杯

前壽百福香奩勝裏人山鳥初來猶怯嚙  
林花未發已偷新天文正應韶光轉設報懸知用此辰

奉和春初幸太平公主南莊應制

主家山第早春歸御輦春遊繞翠微買地鋪金曾作埒  
尋河取石舊支機雲間樹色千花滿竹裏泉聲百道飛  
自有神仙鳴鳳曲併將歌舞報恩暉

奉和春日幸望春宮應制

芳郊綠野散春晴  
複道離宮煙霧生  
楊柳千條花欲綻  
蒲萄百丈蔓初繁  
初紫林香酒氣元相入  
鳥哢歌聲各自成  
定是風光牽宿醉來晨  
復得幸昆明

侍宴安樂公主新宅應制

皇家貴主好

一作學

神仙別業初開雲漢邊  
山出盡如鳴

鳳嶺池成不讓飲龍川  
妝樓翠幌教春住  
舞閣金鋪借

日懸欹從乘輿來此地  
稱觴獻壽樂鈞天

龍池篇

唐享龍池樂

章第三章

龍池躍龍龍已飛龍德先一作光天天不違池開天漢分

黃一作皇

道龍向天門入紫微邸第樓臺多氣色君王鳴

雁有光輝為報寰中百川水來朝此一作壯又地莫東

歸

興慶池侍宴應制

碧水澄潭映遠空紫雲香駕御微風漢家城闕疑天上  
秦地山川似鏡中向浦回舟萍已綠分林蔽殿槿初紅  
古來徒羨橫汾賞今日宸遊聖藻雄

從幸香山寺應制

南山奕奕通丹禁北闕峩峩連翠雲嶺上樓臺千地起  
城中鐘鼓四天聞旃檀曉閣金輿度鸚鵡晴林采眊分  
願以醍醐參聖酒還將祇苑當秋汾

紅樓院應制

一作僧廣宣詩

紅樓疑見白毫光寺逼宸居福盛唐支遁愛山情謾切  
曇摩泛海路空長經聲夜息聞天語爐氣晨飄接御香  
誰謂此中難可到自憐深院得徊翔

再入道場紀事應制

一作僧廣宣詩

南方歸去再生天內殿今年異昔年見闢乾坤新定位  
看題日月更高懸行隨香輦登仙路坐近爐烟講法筵  
自喜恩深陪侍從兩朝長在聖人前

嵩山石淙侍宴應制

金輿旦下綠雲衢綵殿晴臨碧澗隅溪水泠泠雜行漏  
山煙片片繞香爐仙人六膳調神鼎玉女三漿捧帝壺  
自惜汾陽紓道駕無如太室覽真圖

古意呈補闕喬知之一作古意又

作獨不見

盧家少婦鬱金堂

一作香

海燕雙棲玳瑁梁

九月寒砧催

木葉十年征戍憶遼陽

白狼河止音

一作書斷丹鳳城

南秋夜長誰謂含愁獨不見

更教明月照流黃

一作使妾明月

對流黃

遙同杜員外審言過嶺

天長地闊嶺頭分去國離家見白雲洛浦風光何所似

一作肝腸無用說

崇山瘴癘不堪聞南浮漲海人鶩一作何處北

望衡陽雁幾羣兩地江山

一作春光

萬餘里何時重謁聖明

君

和上已連寒食有懷京洛

天津御柳碧遙遙軒騎相從半下朝行樂光輝寒食借  
太平歌舞晚春饒紅妝樓下東迴輦青草洲邊南渡橋  
坐見司空掃西第看君侍從落花朝

陪幸太平公主南莊詩

一作蘇題詩

主第山門起瀟川宸遊風景入初年鳳凰樓下交天仗

烏鵲橋頭敞御筵往往花間逢綵石時時竹裏見紅泉  
今朝扈蹕平陽館不羨乘槎雲漢邊

守歲應制

輕冰解渭橋東方樹色起招搖天子迎春取今夜  
獻壽用明朝殿上燈人爭烈火宮中依子亂驅妖  
宜將歲酒調神藥聖祚千春萬國朝



總校官庶吉士臣張能照

校對官檢討臣蕭九成

謄錄監生臣周元

欽定四庫全書會要

集部

御定全唐詩卷九十七至一百二

臣紀昀詳校

詳校官候補通政司經歷臣郭祚熾

欽定四庫全書  
欽定全唐詩卷一萬七千五百二

集部

御定全唐詩卷九十七

沈佺期

陪幸韋嗣立山莊

台階好赤松別業對青峯茆室承三顧花源接九重虹

一作龍旗縈秀木鳳輦拂疎筠逕直

一作狹

千官擁溪長萬

騎容水堂開禹膳山閣獻堯鍾皇鑑清居遠天文睿獎

濃巖泉他夕

一作日

夢漁釣往年逢共榮丞相府偏降逸

人封

封嗣立為逍遙  
公故有末句

扈從出長安應制

漢宅規模壯周都景命隆西賓讓東主法駕幸天中太

史占星應春官奏日同旌門

一作旗

起長樂帳殿出新豐

翕習黃山下紓徐清渭東金麾張畫月珠幘戴松

一本作相

風是一暑節嚴陰始寒郊散野蓬薄霜沾上路殘雪繞

離宮賜帛矜耆老褰旒問小童復除恩載洽望秩禮新

崇臣忝承明召多慙獻賦雄

初冬從幸漢故青門應制

漢王建都邑渭水對青門朝市俱東逝墳陵共北原荒涼蕭相闕蕪沒邵平園全盛今何在英雄難重論故基仍嶽立遺堞尚雲屯當極土功壯安知人力煩天遊戒東首懷昔駐龍軒何必金湯固無如道德藩微臣諒多幸參乘偶殊恩預此陳古事敢奏興亡言

昆明池侍宴應制

武帝伐昆明穿池習五兵水同河漢在館有豫章名我

后光天德垂衣文教成黷兵非帝念勞物豈皇情春仗  
過鯨洛雲旗出鳳城靈魚銜寶躍仙女廢機迎柳拂旌  
門暗蘭依帳殿生還如流水曲日晚棹歌清一作聲

白蓮花亭侍宴應制

九日陪天仗三秋幸禁林霜威變綠樹一作雲氣落青  
岑水殿黃花合山亭絳葉深朱旗夾小徑寶馬駐清尋  
苑吏收寒果饔人膳野禽承歡不覺暝遙響素秋砧

仙萼池亭侍宴應制

步輦尋丹嶂行宮在翠微川長看鳥滅谷轉聽猿稀天  
磴扶階迴雲泉透戶飛閒花開石竹幽葉吐薔薇徑狹  
難留騎亭寒欲進衣白龜來獻壽仙吹返彤闈

奉和晦日駕幸昆明池應制

法駕乘春轉神池象漢迴雙星移舊石孤月隱殘灰戰  
鷁逢時去恩魚望幸來山花緹騎繞堤柳幔城闢思逸  
橫汾唱歡留宴鎬杯微臣雕朽質羞覩豫章材

奉和聖製幸禮部尚書寶希玠宅

北闕垂旒暇南宮聽履迴天臨翔鳳轉恩向躍龍開蘭氣薰仙帳榴花引御杯水一作日從金穴吐雲是玉衣來池影搖歌席林香散舞臺不知行漏晚清蹕尚裴徊

釣竿篇

朝日斂紅煙垂竿向綠川人疑天上坐魚似鏡中懸避  
穢時驚透猜鉤每誤牽湍危不理轄潭靜欲留船釣玉  
君徒尚徵金我未賢為看芳餌下貪得會無筌

和戶部岑尚書參迹樞揆

大君制六合良佐參萬機大業永開泰臣道日光輝鹽  
梅和鼎食家聲衆所歸漢章題楚劒鄭武襲緇衣理識  
當朝遠文華振古希風雲神契合舟檝道心微廟堂喜  
容與時物遞芳菲御柳垂仙掖公槐覆禮闈昔陪鶴鷺  
後今望鵠鵬飛徒御清風頌巴歌聊自揮

同李舍人冬日集安樂公主山池

嘗聞天女貴家即帝宮連亭插宜春果山衝太液泉橋  
低烏鵲夜臺起鳳凰年故事猶如此新圖更可憐紫巖

妝閣透青嶂妓樓懸峰奪香爐巧池偷明鏡圓梅花寒  
待雪桂葉晚留煙興盡方投轄金聲還復傳

酬蘇員外味道夏晚寓直省中見贈

並命登仙閣分曹

一作宵

直禮闈大官供宿膳侍史護朝

衣卷幔天河入開窓

一作當階又作披庭

月露微小池殘暑退高

樹早

一作晚

涼歸冠劍無時釋軒車待漏飛明朝題漢柱

三署有光輝

和韋舍人早朝

閭闈連雲起巖廊拂霧開玉珂龍影度珠履雁行來長

樂宵鐘盡

一作徹

明光曉奏催

一作傳

舊德五字擢

英才儼若神仙去紛從霄漢迴千春奉休歷分禁喜趨

陪

自考功員外授給事中

南省推丹地東曹拜

一作貴

瑣闈惠移雙管筆恩降五時

衣出入宜真選遭逢每濫飛器慙公理拙才謝子雲微  
案牘遺常禮朋僚隔等威上台行揖讓中禁動光輝旭

日千門起初春八舍歸贈蘭聞宿昔談樹隱芳菲何幸  
鹽梅處惟憂對問機省躬知任重寧止冒榮非

和元舍人萬頃臨池翫月戲為新體

春風搖碧樹秋霧卷丹臺復有相宜夕池清月正開玉  
流含吹一作水動金魄度雲來熠爚光如沸翩翾景若推  
半環投積草碎璧聚流杯夜久平無煥天晴一作清皎未  
墮鏡將池作匣珠以岸為胎有美司言暇高興獨悠哉  
揮翰初難擬飛名豈易陪夜光殊在握了了見沈灰

酬楊給事兼一作見贈臺一作中廉省

子雲推辯博公理擅詞雄始自尚書省旋聞給事中言  
從溫室祕籍向瑣闈通顧我叨郎署慙無草奏功一作工

分曹八舍斷解袂五時空宿昔陪餘論平生賴擊蒙神  
仙應東掖雲霧限南宮忽枉瓊瑤贈長歌蘭渚風

九真山淨居寺謁無礙上人

大士生天竺分身化日南人中出煩惱山下即伽藍小  
澗香為刹危峰石作龕候禪青鵠乳窺講白猿參藤愛

雲間壁花憐石下潭泉行幽供好林桂浴衣堪弟子哀  
無識醫王惜未談機疑聞不二蒙昧即朝三欲究因緣  
理聊寬放棄慙超然虎溪夕雙樹下虛嵐

夜遊

今夕重門啓遊春得夜芳月華連晝色燈影雜星光南  
陌青絲騎東隣紅粉妝管弦遙辨曲羅綺暗聞香人擁  
行歌路車攢鬪舞場經過猶未已鐘鼓出長楊

登瀛州南城樓寄遠

層城起麗譙憑覽出重霄茲地多形勝中天宛寂寥四  
榮摩鸞鶴百拱厲風飈北際一作盡燕王館東連秦帝橋

晴光七郡滿春色兩河遙傲睨非吾土躋躇適遠囂離

居欲有贈春草寄長謠

塞北二首

虜障天騎起秦城地脈分栢壇飛五將梅吹動三軍鋒  
刃奔濤色旌旗焰火文朔風吹汗漫飄礧灑轔海氣  
如秋雨邊烽似夏雲二庭無歲月百戰有功勲形影隨

魚貫音書在雁羣歸來拜天子凱樂助南薰

胡騎犯邊埃風從丑上來五原烽火急六郡羽書催冰  
壯飛狐冷霜濃候雁哀將軍朝授鉞戰士夜銜枚紫塞  
金河裏蕙山鐵勒隈蓮花秋劍發桂葉曉旗開秘畧三  
軍動妖氛百戰摧何言投筆去終作勒銘回

李員外秦援宅觀妓

盈盈粉署郎五日宴春光選客虛前館徵聲徧後堂玉  
釵翠羽飾羅袖鬱金香拂黛隨時廣挑鬟出意長嚙歌

遙合態度舞暗成行巧落梅庭裏斜光映曉妝

送韋商州弼

會府應文昌商山鎮國陽聞君監郡史  
楚罷尚書郎王事嗟相失人情貴不忘  
累年同畫省四海接文場點翰芳春色  
傳杯明月光故交從此去遙憶紫芝香

夏日梁王席送張岐州

秦雞常下雍周鳳昔鳴岐此地推雄撫惟良寄在斯家  
傳七貂貴人擅八龍奇高傳生光彩長林歎別離天人

開祖席朝寢候征麾翠帯當郊敞彤幨向野披荒荒秋  
麥盛蕡蕡夏條垂奏計何時入台階望羽儀

夏日都門送司馬員外逸客孫員外佺北征

時相

王為元帥魏大  
夫元忠為副

二庭追虜騎六月動周師廟畧天人授軍麾相國持復  
言徵二妙才命一作令重當時畫省連征橐橫門共別詞  
雲迎出塞馬風卷度河旗計日方夷寇旋聞杕杜詩

送盧管記仙客北伐

羽檄西北飛交城。日夜圍廟堂。盛徵選戎幕。生光輝雁行。度函谷。馬首向金微。湛湛山川暮。蕭蕭涼氣稀。餞予憫默赴敵子。英威今日揚。朱淚無將灑鐵衣。

移禁司刑

疇昔參鄉賦。中年忝吏途。丹唇曾學史。白首不成儒。天子開昌籙。羣生偶大爐。散材仍葺夏。弱羽遽搏扶。寵邁乘軒鶴。榮過食稻鳧。何功遊畫省。何德理黃樞。弔影慙非據。傾心事遠圖。盜泉寧止渴。惡木匪投軀。任直翻多

毀安身遂少徒一朝逢糺謬三省竟無虞自簡初心屈

黃紗一作沙始望孤患平終不怒持劾每相驅埋劒誰當

辨偷金以自誣誘言雖委答流議亦眞符首夏方憂固

高秋獨向隅嚴城看熠燿圜戶對蜘蛛累餉唯妻子披

寃是友于物情牽倚伏人事限榮枯門客心誰在隣交

迹倘無撫襟雙涕落危坐日憂趨聖旨垂明德寃囚豈

濫誅會希恩免理終望罪矜愚司寇宜哀獄台庭幸恤

辜漢皇虛詔上容有報恩珠

入鬼門關

昔傳漳江路今到鬼門關土地無人老流移幾客還自從別京洛頽鬢與衰顏夕宿含沙裏晨行岡路間馬危千仞谷舟險萬重灣問我投何地西南盡百蠻

三日獨坐驩州思憶舊遊

雨京多節物三日寂遨遊麗日風徐卷香塵雨暫收紅桃初下地綠柳半垂溝童子成春服宮人罷射韉禊堂通漢苑解席繞秦樓東晳言談妙張華史漢道無亭不

駐馬何浦不橫舟舞籥千門度帷屏百道流金丸向鳥  
落芳餌接魚接濯穢憐清淺迎祥樂獻酬靈芻陳欲棄  
神藥曝應休誰念招魂節飈為禦魅囚朋從天外盡心  
賞日南求銅柱威丹徼朱崖鎮火陬炎蒸連曉夕瘴鴉  
滿冬秋西水何時貸南方詎可留無人對爐酒寧緩去  
鄉憂

從驩州解宅移住山間水亭贈蘇使君

遇坎即乘流西南到火洲鬼門應苦夜漳浦不宜秋歲

貸胸穿老朝

一作宵

飛鼻飲

一作斂

頭死生離骨肉榮辱間

朋遊棄置一身在平生萬事休鷹鷢遭誤逐豺虎怯真  
投憶昨京華子傷今邊地囚願陪鸚鵡樂希並鷓鴣留  
日月渝鄉思煙花換客愁幸逢蘇伯玉回借水亭幽山  
柏張青蓋江蕉卷綠油乘閒無火宅因放有漁

一作虛

舟

適越心當是居夷迹可求古來堯禪舜何必罪驩兜

赦到不得歸題江上石

家住東京裏身投南海西風烟萬里隔朝夕幾行啼聖

主謳歌洽賢臣法令齊忽聞銅柱使走馬報金雞棄市  
沾皇渥投荒漏紫泥魂疲山鶴路心醉站鳶溪天鑒誅  
元惡宸慈恤遠黎五方思寄刃萬姓喜然臍自幼輸丹  
懇何嘗玷白圭承言竄遐魅雪枉間深狴墳壠無由謁  
京華豈重躋炎方誰謂廣地盡覺天低百卉雜殊怪昆  
蟲理賴睽閉藏元不蟄搖落反生茀瘞瘴因茲苦窮愁  
益復迷火雲蒸毒霧陽雨濯陰霓周乘安交趾王恭輯  
畫題少寬窮涸鮑猶愍觸藩羝配宅隣州解斑苗接野

畦山空聞鬪象江靜見游犀翰墨思諸季裁縫憶老妻  
小兒應離褓幼女未攀笄夢蝶翻無定著龜詎有倪誰  
能竟此曲曲盡氣酸嘶

答魑魅代書寄家人

魑魅來相問君何失帝鄉龍鍾辭北闕蹭蹬守南荒覽  
鏡憐雙鬢沾衣惜萬行抱愁那去國將老更垂裳影答  
余他歲恩私宦洛陽三春給事省五載尚書郎黃閣遊  
鸞署青纓御史香扈巡行太液陪宴坐明光渭北昇高

苑河南祓禊場煙花恒獻賦泉石每稱觴暇日從休澣  
高車映道傍迎賓就丞相選士謁昭王侍寵言猶得承  
歡謂不忘一朝貽厚譴五宅竟同防克豎曾驅策權豪  
豈易當欵顏因侍從接武在文章且懼威非贊寧知心  
是狼身猶納履誤情為覆盆傷可歎緣成業非闕行昧  
藏喜逢今改旦正朔復歸唐河識隨龍馬天書逐鳳凰  
朝容欣舊則宸化美初綱告善雕旌建收寃錦旆張宰  
臣更獻納郡守各明揚禮樂移三統舟車會八方雲沙

降白遂秦隴獻燒當三赦重天造千推極國詳大招思  
復楚于役限維柔漲海緣真臘崇山壓古崇雕題飛棟  
宇儕耳間衣裳伏枕神餘劣加餐力未強空庭遊翡翠  
窮巷倚枕榔緣體分殊昔回眸宛異常吉凶恒委鄭年  
壽會詢唐家本傳清白官移重桂牀上京無薄產故里  
絕窮莊碧玉先時費蒼頭此自將興言歎家口何處待  
贏糧計史從都出傳聞大小康降除沾二弟離拆已三  
房劒外懸銷骨荆南預斷腸音塵黃耳間夢想白眉良

復此單栖鶴銜雛願遠翔何堪萬里外雲海已溟茫戚  
屬甘胡越聲名任粧糠由來休憤命命也信蒼蒼獨坐  
尋周易清晨詠老莊此中因悟道無問入猖狂

度安海入龍編

我來交趾郡南與貫胸連四氣分寒少三光置日偏尉  
佗曾馭國翁仲久遊泉邑屋遺甿在魚鹽舊產傳越人  
遙捧翟漢將下看鳶北斗崇山挂南風漲海牽別離頻  
破月容鬚驟催年昆弟推由命妻孥割付緣夢來魂尚

擾愁委疾空纏虛道崩城淚明心不應天

從崇山向越常

並序  
一作當

常

按九真圖崇山至越常四十里杉谷起古崇山竹溪從道明國來於崇山北二十五里合水欹缺藤竹明昧有三十峯夾水直上千餘仞諸仙窟宅在

焉

朝發崇山下暮坐越常陰西從杉谷度北上竹溪深竹溪道明水杉谷古崇岑差池將疑一作不合繚繞復相尋

桂葉藏金嶼藤花閉石林天窗虛的的雲竇下沈沈造化功偏厚真仙跡每臨豈徒探怪異聊欲緩歸心

哭蘇眉州崔司業二公

並序

同時郎裴懷古者作牧潭府神龍三年秋八月佺期承恩北歸途中覲止訪及故舊知眉州蘇使君味道國子崔司業融馳旋間相次而逝蘇往任鳳閣侍郎佺期忝通事舍人崔重為鳳閣舍人佺期又遷給事並銜疇昔之眷俱荷提獎之恩前年負

謫南荒二公先移官守迨此凶問情復何堪所恨  
遷竄有期行邁在遠哀不展舊禮不申悲流慟斯

文冀通幽路

渙汗天中發伶俜海外旋長沙遇太守問舊樂人全國  
寶亡雙傑天才喪兩賢大名齊弱歲高德並中年禮樂

羊叔子文章王仲宣

一作風鑑王夷甫文章謝惠連

相看尚玄鬢相次

入黃泉流放蠻陬濶鄉闊帝里偏親朋雲霧擁生死歲  
時傳崔昔揮宸翰蘇嘗濟巨川絳衣陪下列黃閣謬差

肩及此俱冥昧云誰叙播遷隼輿

一作旗又作旗

懷舊轍鱠館

想虛筵家愛方休  
杵皇慈更撤縣銘旌西蜀路騎吹北  
邙田龍樹應秋矣江帆故一作固杳然罷琴明月夜留劒

白雲天涕泗湘潭水淒涼衡嶠煙古來修短分神理竟

難筌

哭道士劉無得

聞有玄都客成仙不易祈蓬萊向清淺桃杏欲芳菲縮  
地黃泉出昇天白日飛少微星夜落高掌露朝晞吐甲

龍應出銜符鳥自歸國人思負局天子惜被一作衣花

月留丹洞琴笙閣一作翠微嗟來子桑扈爾獨返於幾

下

### 寒食

普天皆滅焰匝地盡藏煙不知何處火來就客心然

### 回波詞

回波爾時佺期流向嶺外生歸身名已蒙齒錄袍笏未  
復牙紺

### 上巳日祓禊渭濱應制

寶馬香車清渭濱  
紅桃碧柳禊堂春  
皇情尚憶垂竿佐

天祚一作瑞先呈捧劒人

奉和幸韋嗣立山莊應制

東山朝日翠屏開  
北闕晴空綠仗來  
喜遇天文七曜動

少微今夜近一作入三台

夜宴安樂公主宅

濯龍門外主家親  
鳴鳳樓中天上人  
自有金杯迎甲夜

還將綺席一作發代陽春

苑中遇雪應制

北闕彤雲掩  
曙霞東風吹  
雪舞仙山一作  
家瓊章定少干

人和銀樹長  
芳六出花

錢唐永昌一作  
錢唐郎

中洛陽令

洛陽舊有一作  
出神明宰輦轂由來  
天地中餘邑政成何  
足貴因君取則四方同

獄中聞駕幸長安二首

傳聞聖旨向秦京  
誰念羈囚滯洛城  
扈從由來是方朔

為申冤氣在長平

無事今朝來下獄誰期十月是

一作見

一作橫

黃

河君看鷹

隼俱堪

一作罷

擊為報蜘蛛收網羅

邙山

北邙山上列墳瑩萬古千秋對洛城城中日夕歌鐘起  
山上唯聞松柏聲

句

周原五稼起雲海百川歸願此零陵燕長隨征旆飛雨春

式詩

御定全唐詩卷九十七

欽定四庫全書薈要卷一萬七千五百三

集部

御定全唐詩卷九十八

趙冬曦

趙冬曦定州人進士擢第歷左拾遺開元初遷監察御史坐事流岳州時與刺史張說數賦詩相倡和後召還復官累遷中書舍人內供奉終國子祭酒冬曦兄冬日弟和璧等六人韋述弟亦六人並詞學登科張說稱之曰韋趙昆季人之杞梓詩十九首

陪張燕公登南樓

柳鬱一作寬慰何以歡陰氣一作氣亦登望孤島輕霧裏行舟  
白波上目勞西北雲心醉東南嶂昔日青谿子胡然此  
無狀

酬燕公出湖見寄

綸綺有成命旌麾不可攀湘川朝日一作日斷荆闕夕波  
還果枉東瞻唱興言夕放閒攜琴仙洞中置酒澣湖上  
芳景恣行樂謫居忽如忘聚散本相因離情自悲悵鸞

翩非常戢鵬天會昭曠永懷宛洛游曾是彈冠望

奉和張燕公早霽南樓

方曙躋南樓凭軒肆遐矚物華蕩暄氣春景媚晴旭川  
霽湘山孤林芳楚郊縕列巖重疊翠遠岝逶迤綠風帆  
摩天垠魚艇散寧曲鴻歸鶴舞送一作遠猿叫鶯聲續羣

動皆熙熙噫予獨羈束常欽才子意一作義忌鵬傷蹠蹠

雅尚騷人文懷沙何迫促未知二賢意去矣從所欲

灔湖作並序

巴丘南澠湖者蓋沅湘澧汨之餘波焉茲水也淪匯洞庭澹澹千里夏潦奔注則洩為此湖冬霜既零則涸為平野按爾雅云水反入為澠斯名之作有由焉爾而此鄉炎暑子月草生彌望青青相與遊藉豈盈虛之可歎亦風景之多傷感物增懷因書其事

三湖返入兩山間畜作澠湖彎復彎暑雨奔流潭一作湘正滿微霜及潦水初還水還波卷谿潭涸綠草芊芊岸

輒岸適來方

一作

飛櫂共迴旋已復揚鞭恣行樂道傍者

老步躊躇楚言茲事不知年試就湖邊披草徑莫疑東海變桑田君訶今時盡陵陸我看明歲更淪漣來今自昔無終始人事迴環常若是應一作懸思闕下聲華日誰謂江潭旅遊子初貞正喜固當然往塞來譽宜可俟盈虛用舍輪輿旋勿學靈均遠問天

和燕公岳州山城

為吏恩猶舊投沙惠此蒙江邊悠爾處泗上宛然同訪

道精言合論經大義通鳴琴有真一作奇氣况已沐清風

和尹悉秋夜遊澠湖二首

政理常多暇方舟此泝洄吹笙虛洞答舉楫便風催山  
暗雲猶辨潭幽月稍來清谿無數曲未盡莫先迴

煙靄夕微蒙幽灣賞未窮艤舟待初月褰幌招遠風鶴  
聲聒前浦漁火明暗叢東山雲壑意不謂爾來同

陪燕公遊澠湖上寺

江外多山水招要步馬來琴將天籟合酒共鳥聲一作歌

催巖坐攀紅藥谿行愛綠苔所懷非此地遊望亦襄回

答張燕公翻著葛巾見呈之作

美酒值芳春醒餘氣益真降歡時倒履乘興偶翻巾徐  
榻思方建左車理自均傲然歌一曲一醉濯纓人

奉荅燕公

語別意淒淒零陵湘水西佳人金谷返愛一作遊子洞庭

迷舊館蓬花發他山值鳥啼江天千里望誰見綠蘋齊

奉和聖製同二相已下羣官樂遊園宴

爽塏三秦地芳華二月初醅承奠璧罷宴是合錢餘柳  
翠垂堪結桃紅卷欲舒從容會鶴鳴延曼戲龍魚喜氣  
流雲物歡聲浹里間聖恩將報厚一作請意請述記言書

奉和聖製答張說扈從南出雀鼠谷

軒轅應順動力牧正趨陪道合殷為礪時行楚有材省  
方西禮設振旅北京迴地理分中壤天文照上台寒依  
汾谷去春入晉郊來竊比康衢者長歌仰大哉

奉和聖製送張說上集賢學士賜宴賦得蓮字

淺術方觀海深恩忽見天學開丹殿籍名與石渠賢良輔膺休命微生謬采甄春餘仍哢鳥夏近未舒蓮牋札來宸禁衣冠集詔筵史臣知醉德欲記升中一作平年

奉答燕公

誰道零陵守東過此地遊友僚同省閭昆弟接荊州我逐江潭雁君隨海上鷗屢傷神氣阻久別鬚毛秋疑嶺春應徧陽臺雨欲收主人情未盡高駕少淹留

陪張燕公行郡竹籬

良臣乃國寶麾守去承明外戶人無閑浮江獸已行隨  
來晉盜逸民化蜀風清郭郭從彝典州閭荷德聲小人  
投被一作天涯一作渥流落巴丘城所賴中和作優游鑿與耕

和燕公別澠湖

南湖美泉石君子翫幽奇灣澳陪臨泛巖峿共踐窺秋  
風蘋桂竦春景綠楊垂郢路委分竹湘濱攤去麾枉帆  
懷勝賞留景惜差池水木且不棄情由良可知

奉酬燕公見歸田賦垂贈之作

窮鳥嬰籠綴孤飛任播遷鷺鷥王佐用復此挫冲天楚  
雲何掩鬱湘水亦迴遭懷哉愧木雁忽爾枉蘭荃愈疾  
同枝叔銷憂比仲宣歸途書可畏弱操石猶堅覆載雖  
云廣澤陽直塊然

和張燕公耗磨日飲

上月今朝減流傳耗磨辰還將不事事同醉俗中人  
春來半月度俗忌一朝閒不酌他鄉酒無堪對楚山

首一作  
張說詩

尹悉

尹悉河間人為張說岳州從事官補闕詩四首

奉陪張燕公登南樓

君子每垂眷江山共流眄水遠林外明巖近霧中見終  
日西北望何處是京縣屢登高春臺徒使淚如霰

秋夜陪張丞相趙侍御游澠湖二首

並序

燕公以司馬初到趙侍御客焉聿理方舟嬉游澠

壑覽山川之異探泉石之奇騁望崇朝留尊待月  
一時之樂豈不盛歟賦詩者列之於左

熊軾巴陵地鷗舟湘水尋江山與勢遠泉石自幽深者  
靄入天壑冥茫見道心超然無俗事清宴有空一作深林  
江上饒奇山嶽羅雲水間風和一作秋樹色雜苔古石文  
斑巴俗將千溠澑湖凡幾灣嬉遊竟不盡乘月汎舟還

同燕公汎洞庭

風光淅淅草中飄日彩熒熒水上搖幸奏瀟湘雲壑意

山傍客與動仙橈

王琚

王琚懷州河內人神龍初為駙馬王同皎所器預謀刺  
武三思後太平公主謀逆琚勸明皇先事誅之薦張說  
劉幽求郭元振等與汝議事平進戶部尚書眷委特異  
參豫大政時號內宰相後以讒見疏歷典外郡卒為李  
林甫所構貶死詩四首

奉荅燕公

君遠途且艱宜悲良自得胡為心獨爾惠好在南國亦  
既清顏披問然良願克與君蘭時會羣物如藻飾煙景  
惜歡賞雲山起翰墨接藝奇思微偶談玄言直永日不  
知倦逾旬猶謂亟如何酌離尊移櫂巴城側浦口勞長  
望舟中獨太息疾風吹飛帆倏忽南與北目盡不復見  
懷哉無終極唯當衡峰上遙辨湖水色

美女篇

東鄰美女實名倡絕代容華無比方濃纖得中非短長

紅素天生誰飾妝桂樓椒閣木蘭堂繡戶雕軒文杏梁  
屈曲屏風繞象牀萎蕤翠帳綴香囊玉臺龍鏡洞徹光  
金爐沈煙酷烈芳遙聞行佩音鏘鏘含嬌欲笑出洞房  
二八三五閨心切褰簾捲幔迎春節清歌始發詞怨咽  
鳴琴一弄心斷絕借問哀怨何所為盛年情多心自悲  
須臾破顏倏斂態一悲一喜併相宜何能見此不注心  
惜無媒氏為傳音可憐盈盈直千金誰家君子為橐玷

自荆湖入朝至岳陽奉別張燕公

五載朝天子三湘逢舊僚扁舟方輶櫂清論遂終朝遠  
樹煙間沒長江地際遙帝城馳夢想歸帆滿風飈

游澠湖上寺

春山臨遠壑水木自幽清夙昔懷微尚茲焉一放情雲  
間聽弄鳥煙上摘初英地僻方無悶逾知道思精一作生

陰行先

陰行先開元間為張說湘州從事詩一首

和張燕公湘中九日登高

重陽初啓節無射正飛灰寂寞風蟬至連翩霜雁來山

棠紅葉下岸菊紫花開今日桓公座多愧孟嘉才

王熊

王熊潭州都督詩二首

奉別張岳州說二首

一作荅  
張燕  
公岳州宴別

長沙辭舊國洞庭逢故人薰蘭敦久要披霧轉相親歲  
月空嗟老江山不惜春忽聞黃鶴曲更作白頭新

平生共風月倏忽間山川不期交淡水暫得欵忘年興

逸方罷釣帆開欲解船離心若危旆朝夕為君懸

梁知微

梁知微嗣聖初登進士第嘗守潭州與張說相贈答詩一首

入朝別張燕公

華容佳山水之子厭承明符竹紓小郡江湖被德聲三年計吏入路指巴丘城鳬舟纔結纜騶駕已相迎別離他鄉酒委曲故人情孤嶼早煙薄長波晚氣清辛勤方

遠鶩勝賞屢難并。迴瞻洞庭浦，日暮愁雲生。

李伯魚

李伯魚臨淄人。善為文。登開元六年進士第。擢校書郎。出為青州司功詩一首。

桐竹贈張燕公

北竹青桐北南桐一作家綠竹南竹林。君早愛桐樹。我初

貪鳳栖桐不媿鳳食竹。何慙棲食更如此。餘非鳳所堪。

楊重玄

楊重玄開元進士詩一首

正朝上左相張燕公

歲去愁終在春還命不來長吁問丞相東閣樂時開

朱使欣

朱使欣張說同時人詩一首

道峽似巫山

江如曉天靜石似暮雲張征帆一流覽宛若巫山陽楚客思歸路秦人謫異鄉猿鳴孤月夜再使淚霑裳

卷九十八

御定全唐詩卷九十八